

MEMORIA DE PRODUCCION CIENTÍFICA: PERÍODO 2013-2014 INFORMACIÓN DE INTERESE

i. Procederáse a cargar na aplicación a Produción Científica correspondente aos anos 2013 e 2014. A gravación farase de xeito separado para cada anualidade. A estes efectos, **os prazos a considerar serán os seguintes:**

- **Gravación PC 2013: entre o 23 de xaneiro e o 16 de febreiro**
- **Gravación PC 2014: entre o 17 de febreiro e o 9 de marzo**

Durante os períodos referidos a aplicación informática estará aberta exclusivamente para gravación de datos correspondentes á anualidade respectiva

ii. Como complemento aos ítems que se valoran na memoria de investigación (ver *Guía valoración ítems*), os departamentos, institutos, centros singulares e estacións biolóxicas poden remitir a información, debidamente xustificada e referenciada, dos conceptos que se sinalan a seguir:

- Profesores incorporados ao departamento dende a última petición da produción científica e que foran profesores o ano anterior noutra universidade.
- Profesores que tiveron durante os anos 2013-14 o cargo de presidente ou secretario de sociedades científicas nacionais ou internacionais de especial relevancia e con clara relación coa investigación (exclúense sociedades con sede na Comunidade Autónoma de Galicia).

Os institutos de investigación/estacións biolóxicas/centros singulares que queiran acollerse á Axuda por Produción Científica deberán ter en conta que non poden presentar aquelas actividades científicas xa incluídas nos departamentos.

iii. Como en anos anteriores estableceráse a produción a partires da actividade dos grupos de investigación, o seu cálculo realizaráse a partir dos datos que se rexistren nos departamentos/institutos/estacións biolóxicas/centros singulares. Aos únicos efectos de valorar a súa produción científica consideraranse como compoñentes valorabeis do grupo a aqueles que, na data de remate do prazo de gravación de datos, están incluídos no mesmo. Do mesmo xeito soamente terán dereito a percibir á axuda por produción científica aqueles grupos de investigación que estean formalmente constituídos na data antes mencionada.

iv. Valoraranse exclusivamente actividades de investigación.

v. Non se valorarán as contribucións nas que o asinante faga constar exclusivamente a súa pertenza a unha institución diferente da Universidade de Santiago de Compostela. As publicacións deben estar vinculadas ao departamento/instituto/estación biolóxica/centro singular ademais da USC, e non a laboratorios, servizos, unidades, etc., xa que a axuda á investigación desta Universidade distribúese a través destes órganos.

vi. Cando debido ás normas de publicación exista a imposibilidade de que na contribución se reflicta a pertenza dalgún ou de todos os autores a un departamento, instituto, estación biolóxica, centros singular, etc, valorárase dito ítem cando se xustifique

- documentalmente esa imposibilidade. Neste suposto será a Vicerreitoría con competencias en investigación que, con carácter previo, e sempre antes do remate do prazo de gravación de datos, a que autorizará a gravación de dito ítem.
- vii. A dirección do departamento/instituto/estación biolóxica/centro singular deberá criba-las actividades que sexan realizadas por varios dos seus membros, evitando así a duplicidade de traballos presentados, xa que o que se está a valorar é a investigación realizada por un departamento/instituto/estación biolóxica/centro singular, e non a individualizada por cada profesor.
- viii. No caso da xustificación de publicacións non periódicas (libros) a Vicerreitoría de Investigación e Innovación poderá solicitar dos autores que recaben, e posteriormente remitan á Vicerreitoría de Investigación e Innovación, unha carta da editorial correspondente na que figuren os seguintes datos:
- Nome e CIF da editorial
 - Sede Social
 - Nome do editor ou representante do Consello editorial encargado da edición do libro en cuestión. Datos do contacto do editor: Telf. e dirección de correo electrónico.
 - Breve descrición do proceso editorial seguido co libro en cuestión.
- ix. A gravación feita nas secretarías dos departamentos/institutos/estacións biolóxicas /centro singular debe ser revisada polo director, ou persoa con criterio científico designada para supervisar o proceso. Precísase unha implicación directa da dirección no proceso de remisión das actividades de investigación xa que esta ten efectos en aspectos importantes tanto para as unidades de investigación como institucionalmente:
- a) PUNTUACIÓN que se asigna en función da gravación feita, polo que os erros cometidos tanto na introdución dos datos como na clasificación de traballos prexudican ao conxunto dos membros deste.
 - b) PUBLICACIÓN dos datos recollidos na aplicación que son divulgados con posterioridade é remitidos aos centros desta universidade, así como a outros centros de investigación españois; polo tanto solicitamos que no proceso de gravación se manteña a uniformidade á hora de introducir os datos, buscando así que a futura publicación acade un aspecto o máis homoxéneo posible.
 - c) FINANCIACION: Soporte e defensa de Indicadores de medición da actividade de investigación que poden incidir no financiamento da USC
- x. Nas actividades deben cubrirse tódolos datos solicitados e subliña-los membros que pertencen ó departamento, sendo imprescindible que se cubra tanto o campo de número de autores totais como o número dos que pertencen ó dpto./inst./estación biolóxica/centro singular. Este dato, gravado posteriormente polo administrativo na aplicación informática, é de suma importancia xa que senón a aplicación da Producción Científica non valora esta actividade.

NOTAS DE INTERESE

- Valoraranse unicamente as solicitudes dos proxectos de investigación que figuren nas bases de datos da Vicerreitoría de Investigación e Innovación.
- As fichas de valoración, listas de usuarios así como a información relativa a este proceso atópanse na páxina Web da Vicerreitoría de Investigación e Innovación.
- O Servizo de Convocatorias e Recursos Humanos de I+D+i levará a cabo unha comprobación por mostraxe da veracidade dos datos rexistrados, para o que poderá solicitar, no momento que estime oportuno, dalgúns departamentos/institutos/centros singulares/estacións ou grupos de investigación, a xustificación correspondente aos méritos rexistrados. No caso de que na verificación se detectasen méritos rexistrados para os que non exista documentación xustificativa, a USC procederá a deducir, do importe da produción científica do ano seguinte, o 300% da cantidade que lle correspondería ao PDI, grupo ou grupos de investigación implicados por cada ítem non xustificativo.
- O Servizo de Convocatorias e Recursos Humanos de I+D+i ten habilitado un enderezo de correo electrónico pcientifica@usc.es no que se pode efectuar calquera consulta relacionada con este procedemento, así mesmo, na web da Vicerreitoría existe unha páxina de preguntas frecuentes (FAQ) relacionadas coa xestión da produción científica onde se incorporarán as consultas máis habituais que se reciban en relación co tema.
- Para resolver calquera incidencia de índole informática deberá poñerse en contacto con CAU (55555).

Santiago de Compostela, 19 de xaneiro de 2015
A Vicerreitoría de Investigación e Innovación